

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
**Služba za komunalne poslove,
izgradnju i poslove mjesnih zajednica**
Broj: 05/2-19-5840/26 NH
Tuzla, 26.05.2026. godine

Služba za komunalne poslove, izgradnju i poslove mjesnih zajednica Grada Tuzla, pomoćnik gradonačelnika, postupajući po zahtjevu Udruženja „Ne diskriminacija – ne mobing“ Tuzla, na osnovu Rješenja o prenosu ovlaštenja na državnog službenika u organu državne službe broj: 02/04-A-4032-2026 od 18.03.2026. godine i člana 200. Zakona o upravnom postupku (Službene novine FBiH“, broj: 2/98, 48/99 i 61/22), a u vezi sa članom 42. stav 2. i članom 43. stav 2., 9 i 10. Odluke o komunalnom redu („Službeni glasnik Grada Tuzla“, broj: 5/23 – prečišćeni tekst, 9/23, 3/24, 4/24, 5/24 i 12/25), članom 10. stav 1. Odluke o visini naknada po Odluci o komunalnom redu („Službeni glasnik Općine Tuzle“, broj: 9/12 i „Službeni glasnik Grada Tuzla“, broj: 6/15, 7/15, 6/16, 12/16, 2/17, 6/18 i 5/19) i Odlukom o određivanju zona po Odluci o komunalnom redu („Službeni glasnik Općine Tuzla“, broj: 9/10 i „Službeni glasnik Grada Tuzla“, broj 6/15 i 6/16), donosi:

RJEŠENJE

- 1. Odobrava se Udruženju „Ne diskriminacija – ne mobing“ Tuzla**, privremeno zauzimanje javne površine u svrhu postavljanja dvije pokretne naprave (štant i promotivni baner) u naselju Slatina (park – košarkaško igralište) u Tuzli, na dan 03.06.2026. godine, u svrhu održavanja skupa građana.
- Korisnik je dužan za privremeno zauzimanje javne površine iz tačke 1. dispozitiva platiti naknadu u ukupnom iznosu od **6,00 KM** u Budžet Grada Tuzla na žiro račun broj 132-100-01850601-97, vrsta prihoda 722461, budžetska organizacija 0105002, u roku od 15 (petnaest) dana od dana prijema rješenja. Prilikom uplate naknade u rubriku „svrha doznake“ obavezno upisati broj ovog rješenja.
- Korisnik je dužan javnu površinu održavati u urednom stanju, te voditi računa da se postavljenim pokretnim napravama ne ugrožava pješачki prolaz, kao ni pristup stambenim i poslovnim objektima, a protokom vremena određenog u odobrenju za korištenje javne površine dužan je istu vratiti u prvobitno stanje.

OBRAZLOŽENJE

Službi za komunalne poslove, izgradnju i poslove mjesnih zajednica Grada Tuzla (u daljem tekstu: Služba) obratilo se Udruženje „Ne diskriminacija – ne mobing“ Tuzla, (ID broj: 4210487470006), sa sjedištem u Tuzli, ul. Maršala Tita do broja 34, lamela A, sa zahtjevom za privremeno zauzimanje javne površine u svrhu postavljanja dvije pokretne naprave (štant i promotivni baner) u naselju Slatina (park – košarkaško igralište) u Tuzli, na dan 03.06.2026. godine, u svrhu održavanja skupa građana.

Uz zahtjev je dostavljena sljedeća dokumentacija: fotokopija Uvjerenja o registraciji poreznog obveznika izdatog od Federalnog ministarstva finansija-financija, Porezne uprave Federacije BiH – Kantonalnog poreznog ureda Tuzla od 19.03.2025. godine, fotokopija

Rješenja o dozvoli upisa izdato od strane Federacije Bosne i Hercegovine, Tuzlanski kanton, Ministarstvo pravosuđa i uprave, broj: UP1-06/1-04-041245/25 od 16.01.2026. godine.

Članom 42. stav 2. Odluke o komunalnom redu („Službeni glasnik Grada Tuzla“, broj: 5/23 – prečišćeni tekst, 9/23, 3/24, 4/24, 5/24 i 12/25) (u daljem tekstu: Odluka) propisano je da se pod zauzimanjem javne površine, između ostalog, smatra i postavljanje pokretnih objekata.

Članom 43. stav 2. Odluke propisano je da se odobrenje za zauzimanje javnih površina može izdati pravnim i fizičkim licima registrovanim za obavljanje djelatnosti za koju se zauzima javna površina. Uvidom u priloženu fotokopiju Rješenja o dozvoli promjena izdato od strane Federacije Bosne i Hercegovine, Tuzlanski kanton, Ministarstvo pravosuđa i uprave, broj: UP1-06/1-04-041245/25 od 16.01.2026. godine, utvrđeno je da imenovani podnosilac zahtjeva ispunjava prethodno navedeni Odlukom propisani uvjet za izdavanje odobrenja za privremeno zauzimanje javne površine u navedenu svrhu.

Kako je članom 43. stav 9. Odluke propisano da se zauzimanje javnih površina, odnosno izvođenje radova i postavljanje bilo kakvih sadržaja, predmeta i uređaja na javnim površinama, za koje je odredbama ove Odluke propisana obaveza pribavljanja odobrenja službe nadležne za komunalne poslove, kao i obaveza plaćanja naknade, uključujući postavljanje reklama na javnim i nerazvrstanim cestama i zaštitnom pojasu javnih i nerazvrstanih cesta u nadležnosti Grada Tuzla, neće odobriti ukoliko u trenutku podnošenja zahtjeva podnosilac ima neizmirenih obaveza prema Gradu Tuzla, što se utvrđuje po službenoj dužnosti putem službe nadležne za budžet i finansije, te kako je članom 43. stav 10. Odluke propisano da se zauzimanje javnih površina, odnosno izvođenje radova i postavljanje bilo kakvih sadržaja, predmeta, objekata i uređaja na javnim površinama, za koje je odredbama ove Odluke propisana obaveza pribavljanja odobrenja službe nadležne za komunalne poslove, kao i obaveza plaćanja naknade, uključujući postavljanje reklama na javnim i nerazvrstanim cestama i zaštitnom pojasu javnih i nerazvrstanih cesta u nadležnosti Grada Tuzla, neće odobriti ukoliko je u relevantnim evidencijama na ime podnosioca registrovana novčana kazna zbog nepoštivanja odredbi Odluke, što se utvrđuje po službenoj dužnosti, putem službe nadležne za inspeksijske poslove, u toku postupka po službenoj dužnosti je pribavljena informacija Službe za budžet i finansije Grada Tuzla da imenovani korisnik u trenutku podnošenja zahtjeva nema neizmirenih obaveza prema Gradu Tuzla, kao i informacija Službe za inspeksijske poslove Grada Tuzla da imenovani korisnik u trenutku podnošenja zahtjeva u relevantnim evidencijama nema registrovane novčane kazne zbog nepoštivanja odredbi Odluke.

Shodno prethodno navedenom, a na osnovu uvida u dostavljenu dokumentaciju, te informacija pribavljenih po službenoj dužnosti od strane Službe za budžet i finansije Grada Tuzla i Službe za inspeksijske poslove Grada Tuzla, utvrđeno je da imenovani podnosilac zahtjeva ispunjava sve uslove propisane prethodno citiranim odredbama Odluke za privremeno zauzimanje javne površine u navednu svrhu, pa je i riješeno kao u tački 1. dispozitiva ovog rješenja.

Članom 10. stav 1. Odluke o visini naknada propisano je da se za zauzimanje javne površine u svrhu postavljanja pokretnih naprava, osim pozornica i sličnih naprava, te automobila kao prezentacije, promocije ili lutrijskog dobitka, naknada utvrđuje po pokretnoj napravi, te u zavisnosti od zone u kojoj se javna površina nalazi i da za prvih sedam dana dnevno u I zoni iznosi 8,00 KM, u II zoni iznosi 6,00 KM i u III zoni iznosi 4,00 KM, s tim da se za osmi i svaki naredni dan naknada umanjuje za 50%, te ista za period od mjesec dana po pokretnoj napravi iznosi maksimalno: u I zoni 120,00 KM, u II zoni 100,00 KM i u III zoni 80,00 KM.

Shodno navedenom, te uvažavajući činjenicu da se u konkretnom slučaju radi o privremenom zauzimanju površine u svrhu postavljanja dvije pokretne naprave (štant i promotivni baner) u naselju Slatina (park – košarkaško igralište) u Tuzli na dan 03.06.2026.

godine, u svrhu održavanja skupa građana koje nema komercijalni karakter, to je i utvrđena naknada kao u tački 2. dispozitiva ovog rješenja.

Pouka o pravnom lijeku: Protiv ovog rješenja može se izjaviti žalba Drugostepenom upravnom vijeću Grada Tuzla u roku od 15 (petnaest) dana od dana prijema istog. Žalba se podnosi u 2 (dva) istovjetna primjerka putem ove Službe.

Predmet obradio: Nedim Hadžić, dipl. pravnik

DOSTAVLJENO:

- 1 x Udruženje „Ne diskriminacija – ne mobing“
Maršala Tita do br. 34., lamela A, Tuzla
- 1 x Služba za inspeksijske poslove Grada Tuzla
- 1 x Služba za budžet i finansije Grada Tuzla
- 1 x evidencija
- 1 x arhiva

POMOĆNIK GRADONAČELNIKA

dr. sci. Miralem Mulać, dipl. ing. geol.

